

28 OCT 1998

AGONG UCAP TAHNIAH KEPADA PRESIDEN TURKI

KUALA LUMPUR, 28 Okt (Bernama) -- Yang di-Pertuan Agong Tuanku Ja'afar mengucapkan tahniah kepada Presiden Turki Suleyman Demirel sempena Hari Kebangsaan ke-75 negara itu.

Tuanku Ja'afar dan Raja Permaisuri Agong Tuanku Najihah mendoakan kesejahteraan kepada Suleyman dan rakyat Turki serta berharap hubungan dan kerjasama yang lebih erat dapat dijalin dalam semangat persaudaraan Islam.

Dalam perutusan kepada rakan sejawatannya Mesut Yilmaz, Perdana Menteri Datuk Seri Dr Mahathir Mohamad, berharap peristiwa bersejarah itu akan memberi perangsang kepada rakyat Turki untuk berusaha bagi mencapai lebih kemajuan dan kemakmuran pada masa akan datang.

Menteri Luar Datuk Seri Abdullah Ahmad Badawi pula mengutuskan perutusan serupa kepada Menteri Hal Ehwat Luar Turki Ismail Cem dan berharap kedua-dua negara dapat meningkatkan lagi hubungan dua hala.

--BERNAMA

ARA oba